



Bosnia and Herzegovina
Federation of Bosnia and Herzegovina

CANTON SARAJEVO
Ministry of Culture and Sports

Broj: 12/02-11-6429/26
Sarajevo, 25.02.2026. godine

Na osnovu člana 23. Zakona o Vladi Kantona Sarajevo ("Službene novine Kantona Sarajevo", br. 36/14 – Novi prečišćeni tekst i 37/14 - ispravka), čl. 14. i 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21, 13/22, 21/24 i 10/25), čl. 5. Pravilnika o procedurama i kriterijima za izbor korisnika sredstava tekućih transfera Ministarstva kulture i sporta Kantona Sarajevo za oblast kulture i umjetnosti („Službene novine Kantona Sarajevo“, broj 6/26) i Odluke Vlade Kantona Sarajevo o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva kulture i sporta za 2026. godinu („Službene novine Kantona Sarajevo“, broj 7/26), Ministarstvo kulture i sporta Kantona Sarajevo (u daljem tekstu: Ministarstvo), objavljuje

JAVNI POZIV
za predlaganje projekata kulture radi sufinansiranja
iz sredstava Ministarstva kulture i sporta
Kantona Sarajevo za 2026. godinu

I
PREDMET JAVNOG POZIVA

Predmet Javnog poziva je prikupljanje prijava za odabir korisnika sredstava utvrđenih u Budžetu Kantona Sarajevo za 2026. godinu, radi sufinansiranja projekata/programa u oblasti kulture i umjetnosti.

II
KORISNICI SREDSTAVA I PODRUČJA JAVNIH POTREBA

1. Pravo prijave za dodjelu sredstava za sufinansiranje projekata iz kulture imaju:

- 1.1. Udruženja;
- 1.2. Fondacije;
- 1.3. Druga pravna lica registrovana za djelatnosti kulture i umjetnosti.

2. Pravo prijave za dodjelu sredstava za sufinansiranje projekata iz kulture nemaju:

- 2.1. Kantonalne javne ustanove, druge institucije i pravna lica koje imaju poziciju u Budžetu Kantona Sarajevo;
- 2.2. Pravna lica osnovana radi sticanja profita, izuzev subjekata iz tačke 1.3;
- 2.3. Udruženja, fondacije i druga pravna lica sa sjedištem izvan Kantona Sarajevo, osim ukoliko je njihov projekat od interesa za Kanton Sarajevo ili se njihov projekat realizuje isključivo na području Kantona Sarajevo;
- 2.4. Lice ovlašteno za zastupanje ili voditelj aktivnosti/programa projekta protiv kojeg se vodi krivični postupak ili je pravosnažno osuđen za prekršaj i/ili počinjenje krivičnog djela;

- 2.5. Udruženja, fondacije i druga pravna lica osnovana u periodu od godinu dana prije objavljivanja Javnog poziva za sufinansiranje programa projekata u kulturi;
- 2.6. Udruženja, fondacije i druga pravna lica koja su u sukobu interesa;
- 2.7. Udruženja, fondacije i druga pravna lica koja nisu ispunili ugovorene obaveze, opravdali finansijska sredstva odobrena iz Budžeta Ministarstva po ranijim javnim pozivima Ministarstva kulture i sporta Kantona Sarajevo ili čiji izvještaj o utrošku budžetskih sredstava nije prihvaćen od strane Ministarstva.

III OSNOVNI I POSEBNI CILJEVI

1. Osnovni cilj

Osnovni cilj raspodjele sredstava tekućih transfera Ministarstva jeste stimuliranje, razvoj i unapređivanje kulturnog i umjetničkog stvaralaštva, umjetničke produkcije i kulturno-umjetničkog poduzetništva, razvoj savremenih umjetničkih praksi, jačanje kulturne produkcije i distribucije i dostupnost kulture građanima Kantona Sarajevo.

Osnovni cilj će se realizovati putem sufinansiranja sljedećih djelatnosti iz kulture:

- a) dramska, muzička i muzičko-scenska umjetnost;
- b) likovna umjetnost;
- c) kulturno-umjetnički amaterizam;
- d) filmska produkcija, zaštita filmske građe i audio-vizuelni i multimedijalni projekti;
- e) zaštita kulturnog stvaralaštva i izdavaštvo;
- f) časopisi i elektroničke publikacije;
- g) književne manifestacije;
- h) arhivska djelatnost;
- i) zaštita i očuvanje nepokretnih, pokretnih i nematerijalnih kulturnih dobara;
- j) muzejsko-galerijska djelatnost;
- k) međunarodna i međuregionalna kulturna saradnja.

2. Posebni ciljevi

Posebni ciljevi korištenja sredstava Ministarstva su:

- a) podsticanje stvaralaštva u oblasti kulture;
- b) podrška mladim stvaraocima i uključivanje što većeg broja mladih u projekte iz oblasti kulturno-umjetničkog stvaralaštva;
- c) vrednovanje doprinosa ukupnom razvoju kulture u Kantonu Sarajevo;
- d) afirmacija kulturno-historijskog naslijeđa;
- e) podsticaj i afirmacija kulturnog, historijskog, graditeljskog odnosno materijalnog i nematerijalnog naslijeđa nacionalnih manjina;
- f) podsticaj uspostavljanju i jačanju međuregionalne i međunarodne saradnje u oblasti kulture;
- g) promoviranje estetskih vrijednosti u svim oblastima umjetničkog stvaralaštva;
- h) podrška kontinuitetu afirmiranih vrijednosti umjetničkog stvaralaštva;
- i) podsticanje inovativnih pristupa umjetničkom stvaralaštvu;
- j) ravnomjerna zastupljenost svih oblasti kulturnog i umjetničkog stvaralaštva;
- k) funkcionalna i ekonomska opravdanost projekata;
- l) afirmacija reproduktivnog i autorskog stvaralaštva;
- m) povećanje broja učesnika i veća dostupnost kulture građanima Kantona Sarajevo.

IV USLOVI I KRITERIJI

1. Opći i eliminacijski uslovi

1.1. Opći uslovi su:

- a) dostavljena je potpuna dokumentacija propisana ovim Javnim pozivom i Pravilnikom;



Adresa: Reisa Džemaludina Čauševića 1, 71 000 Sarajevo
Tel/fax: + 387 (0) 33 562-062
Web: <http://mks.ks.gov.ba>, E-mail: mks@mks.ks.gov.ba

b) projekat se odnosi na oblast kulture i umjetnosti.

1.2. Eliminacijski uslovi su:

- a) prijava nije dostavljena u naznačenome roku;
- b) prijava je neuredna i nepotpuna (ukoliko nije dostavljena istim redoslijedom kako je navedeno u Javnom pozivu, uvezana u cjelinu, numerisana, ispečaćena i potpisana od strane odgovornog lica);
- c) projekat se ne odnosi na oblast kulture i umjetnosti;
- d) nije opravdan utrošak sredstava za prije odobrene programe (nije dostavljen finansijski i narativni izvještaj o utrošku prije dodijeljenih sredstava) ili dostavljeno pravdanje nije prihvaćeno od strane Ministarstva;
- e) aplikant ima poziciju u Budžetu Kantona Sarajevo.

2. Opći kriteriji za vrijednovanje projekata i dodjelu sredstava iz oblasti kulture i evaluacija projekata

1. Opći kriteriji za vrednovanje projekata i dodjelu sredstava u oblasti kulture su:

- a) društvena i kulturološka korisnost predloženog projekta kulture i umjetnosti izražena kroz jasne i realne ciljeve projekta, procjena njihove usklađenosti s ciljevima utvrđenim u tekstu javnog poziva te kvalitet prijavljenog programa/projekta;
- b) dosadašnje iskustvo i rezultati u organiziranju kulturnih i umjetničkih manifestacija, produkciji u kreativnoj industriji, te rad u oblasti zaštite pokretnog i nepokretnog kulturnog naslijeđa, materijalne i nematerijalne kulturne baštine i trajanje projekta;
- c) područje djelovanja projekta/program i vidljivost projekta;
- d) broj korisnika odobrenog projekta;
- e) budžet projekta.

1.1. Evaluacija projekata podrazumijeva bodovanje koje će se vršiti u skladu sa općim kriterijima i bodovnom listom iz člana 23. i 31. Pravilnika.

2. Ograničenja korištenja sredstava:

2.1. Aplikanti mogu konkurisati **sa jednim projektom** po ovom Javnom pozivu. Ukoliko aplikant dostavi više projektnih prijedloga u okviru ovog javnog poziva, Ministarstvo zadržava pravo da razmatra sve dostavljene prijave, ali će odobriti sufinansiranje najviše jednog projekta po podnosiocu, prema ocjeni i odluci nadležne komisije.

2.2. Ministarstvo nije u obavezi da finansijski podrži prijavljeni projektni prijedlog iako ispunjava formalno-pravne uslove;

2.3. Seminari, okrugli stolovi i radionice neće biti prihvaćeni za finansiranje;

2.4. Odobrena sredstva za sufinansiranje projekta/aktivnosti ne mogu se doznacavati drugim udruženjima i fondacijama ukoliko se ne vidi i ne opravda njihova namjena utroška (pravdanje relevantnim računima, i sl.);

2.5. Sredstva dodijeljena za sufinansiranje projekata u oblasti kulture ne mogu se realizirati za nabavku osnovnih sredstava i servisne usluge (usluge krećenja, održavanja i sl.);

2.6. Odobrena sredstva se ne mogu koristiti za isplate sklopljenih ugovora sa pojedincima, članovima - članicama udruženja/fondacija/organizacija, članovima - članicama upravljačkih struktura udruženja/fondacija/organizacija i uposlenicima po bilo kojem osnovu u iznosu većem od 30% odobrenih sredstava;

2.7. Odobrena sredstva se ne mogu koristiti za isplate administrativnih troškova (struja, voda, prijevoz, telefon, mobitel, fax, poštanski troškovi i sl.) u iznosu većem od 30% odobrenih sredstava;

2.8. Finansijski plan/Plan rashoda, koji se nalazi unutar prijavnog obrasca, treba biti detaljno razrađen po stavkama u suprotnom će se prijava smatrati formalno pravno – neispravnom.

V

POTREBNA DOKUMENTACIJA

1. Potrebna dokumentacija za prijavu projekta za udruženja, fondacije i druga pravna lica registrovana za djelatnost kulture i umjetnosti:

1.1. Uredno popunjen „Obrazac Ministarstva kulture i sporta Kantona Sarajevo za prijavu projekta iz kulture za finansiranje/sufinansiranje iz Budžeta Kantona Sarajevo” potpisan i ispečaćen (Obrazac 12-11-JPK-1) - (*original*);

- 1.2. Potpisana „Izjava odgovornog lica podnosioca prijave“ (precizirana u Prijavnom obrascu) i ovjerena kod nadležne općinske službe (*original*);
- 1.3. Potpisana „Izjava da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekta ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prijestup“ i ovjerena kod nadležne općinske službe (Izjava o neosuđivanju – internet stranica MKS KS) (*original*);
- 1.4. Izvadak iz registra udruženja - ne stariji od tri (3) mjeseca (*original ili ovjerena kopija*);
- 1.5. Uvjerenje o poreskoj registraciji – identifikacioni broj za pravno lice (*original ili ovjerena kopija*);
- 1.6. Rješenje o razvrstavanju – klasifikacija djelatnosti (*original ili ovjerena kopija*);
- 1.7. Potvrda poslovne banke da račun nije blokiran iz koje se vidi broj transakcijskog računa - ne starija od tri (3) mjeseca od dana objave javnog poziva (*original ili ovjerena kopija*);
- 1.8. Detaljno razrađen prijedlog projekta koji se kandiduje za dodjelu sredstava sa detaljnom specifikacijom troškova (ne duži od 5 strana) (*original*);
- 1.9. Zapisnik sa sjednice nadležnog tijela (Skupština, Upravni odbor), ukoliko je isti predviđen osnivačkim aktom ili zakonom, na kojoj su usvojeni izvještaj o radu sa finansijskim izvještajem za prethodnu godinu i plan i program rada sa finansijskim planom za tekuću godinu (*original ili ovjerena kopija*);
- 1.10. Uvjerenje Porezne uprave o izmirenim poreskim obavezama u kojem se navodi da porezni obveznik nema duga po osnovu javnih prihoda - ne starije od tri (3) mjeseca od dana objave Javnog poziva (*original ili ovjerena kopija*);
- 1.11. Posljednji Bilans stanja i bilans uspjeha, sa iskazanim pozitivnim finansijskim rezultatom, ovjerene od strane nadležne poreske uprave sa vidljivim pečatom Finansijsko-informatičke agencije (FIA) (*original ili ovjerena kopija*);
- 1.12. Uz projekte izdavačke djelatnosti potrebno je dostaviti jednu relevantnu potpisanu recenziju i predračun štamparske kuće u visini naknade za štampanje;
- 1.13. Za projekte/programme koji se izvode u školama dostaviti pisanu saglasnost direktora škole ili resornog Ministarstva;
- 1.14. Za organizovanje izložbe potrebno je dostaviti potvrdu galerije ili drugog izložbenog prostora da je isti slobodan u periodu predviđenog za održavanje izložbe;
- 1.15. Za filmsku produkciju potrebno je dostaviti:
 - 1.15.1. Potpisane ugovore sa autorima projekta: scenaristom, rediteljem ili nekim drugim nosiocem autorskih prava, naročito u slučaju ako je scenarij adaptacija ili prerada književnog ili nekog drugog originalnog djela, za šta je potrebno dostaviti dokaze o prijenosu autorskih prava sa autora ili nekog drugog nosioca autorskih prava na BH jezicima ili zvanični prijevod (*ugovori na stranim jezicima neće biti uzeti u razmatranje*);
 - 1.15.2. Sinopsis;
 - 1.15.3. Scenarij.

VI OPĆE ODREDBE

1. Objava Javnog poziva

Javni poziv će biti objavljen na internet stranici Ministarstva, a sažetak u jednom od dnevnih listova na teritoriji Federacije BiH.

2. Način podnošenja prijave:

- 2.1. Kriteriji, prijava i obrasci za učešće u Javnom pozivu za sufinansiranje projekata kulture sredstvima Ministarstva kulture i sporta Kantona Sarajevo za 2026. godinu objavljeni su na internet stranici: www.mks.ks.gov.ba, i mogu se preuzeti i popuniti isključivo u elektronskoj formi.
- 2.2. Prijavni obrazac popunjen elektronski (formulari popunjeni ručno neće biti uzeti u razmatranje) i dostavljen u printanoj verziji (potpisan i ovjeren pečatom) sa pratećom dokumentacijom za sufinansiranje projekata kulture sredstvima Ministarstva kulture i sporta Kantona Sarajevo može se predati lično na pisarnicu Kantona Sarajevo ili putem pošte na adresu:

Kanton Sarajevo
Ministarstvo kulture i sporta - Sektor kulture,
Ulica Reisa Džemaludina Čauševića br. 1,
71000 Sarajevo.

Sa naznakom – „Prijava na Javni poziv za predlaganje projekata kulture radi sufinansiranja iz sredstava Ministarstva kulture i sporta Kantona Sarajevo za 2026. godinu - NE otvarati“

Na poleđini koverta obavezno navesti ime podnosioca prijave.

2.3. Sva dokumentacija podnesena na Javni poziv mora biti original ili ovjerena kopija kod nadležne općinske službe kako je traženo u tačkama IV i V Javnog poziva (ne dostavljati dokumentaciju koja se ne traži u Javnom pozivu jer ista neće biti uzeta u razmatranje).

2.4. Svi dokumenti moraju biti isključivo na jednom od službenih jezika u BiH.

2.5. Dokumentacija se dostavlja istim redoslijedom kako je navedeno u Javnom pozivu i treba biti uvezana u cjelinu (isključivo jemstvenik ili spiralno). Sve stranice moraju biti numerisane (može i ručno zbog priloga koji se računaju u ukupan broj stranica), ispečaćene i potpisane od strane odgovornog lica za predstavljanje i potpisivanje.

2.6. Dostavljena dokumentacija se neće vraćati.

2.7. U toku realizacije projekta bilo koja promjena adrese, broja telefona, faksa ili promjene kontakta, ovlaštene osobe ili broja računa kod banke, moraju se dostaviti u pisanoj formi Ministarstvu kulture i sporta Kantona Sarajevo u roku od 7 dana od dana promjene, a Ministarstvo se neće smatrati odgovornim u slučaju da ne uspije kontaktirati aplikanta.

3. Komisija, postupak evaluacije i sukob interesa

3.1. Prijave razmatra Komisija za provođenje javnog poziva za dodjelu transfera neprofitnim organizacijama koju imenuje ministar;

3.2. Kvalitet dostavljene dokumentacije se ocjenjuje u skladu sa Pravilnikom o procedurama i kriterijima za izbor korisnika sredstava tekućih transfera Ministarstva kulture i sporta Kantona Sarajevo za oblast kulture i umjetnosti („Službene novine Kantona Sarajevo“, broj 6/26);

3.3. Svako lice koje posjeduje dokaze o sukobu interesa između člana Komisije i podnosioca prijave na ovaj Javni poziv, obavezan je sa istim upoznati Ministarstvo;

3.4. Svaki član Komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

4. Rezultati javnog poziva, ugovor i kontrola utroška sredstava

4.1. Rezultati Javnog poziva će biti objavljeni na internet stranici Ministarstva;

4.2. Svaki podnosilac prijave na ovaj Javni poziv može podnijeti prigovor rukovodiocu organa u roku od sedam dana od dana dostave pismene obavijesti podnosiocu čija prijava nije prihvaćena za sufinansiranje i razlozima za odbijanje sufinansiranja projekta/programa. Prigovor se ne može podnijeti ako je prijava odbijena kao nepotpuna, neblagovremena ili neuredna;

4.3. Za sufinansiranje realizacije odobrenih projekata zaključuje se pojedinačni ugovor između primaoca finansijske podrške i Ministarstva kulture i sporta Kantona;

4.4. U toku perioda korištenja dodijeljenih sredstava, Ministarstvo će vršiti kontrolu trošenja finansijskih sredstava i praćenja predviđene dinamike projekta te je korisnik dužan osigurati uslove za njihovo provođenje. U slučaju osnovane sumnje za nezakonito ili nenamjensko trošenje ugovorom odobrenih sredstava, Ministarstvo zadržava pravo da pokrene proceduru angažovanja budžetske inspekcije Kantona Sarajevo ili drugog nadležnog organa ili tijela.

5. Izvještaj o utrošku sredstava:

5.1. Završni finansijski izvještaj se dostavlja na elektronski popunjenom Obrascu „Izvještaj o utrošku budžetskih sredstava KULTURA“ (Obrazac_12-11-JPK-3), isti mora biti potpisan i ispečaćen a može se

preuzeti na internet stranici Ministarstva (*original*). U suprotnom, izvještaj će se smatrati neurednim i neće se razmatrati;

5.2. Izvještajem se pravda isključivo iznos iz budžeta definisan u ugovoru koji je zaključen između Ministarstva kulture i sporta Kantona Sarajevo i Podnosioca prijave programa;

5.3. Podnosilac prijave programa dužan je promet budžetskih sredstava vršiti preko računa navedenog u prijedlogu programa;

5.4. Svaki pravdani trošak mora biti plaćen bezgotovinski;

5.5. Svaki trošak mora biti opravdan priloženim fotokopijama računa (ili dokumentom koji je osnov za isplatu, ugovor, odluka nadležnog organa) izdatim na organizaciju podnosioca programa i izvodima iz banke kojima se dokumentuje odgovarajuće plaćanje.

6. Rok za podnošenje prijava

6.1. Javni poziv za podnošenje prijava ostaje otvoren do **16.03.2026. godine**.

6.2. Neuredne, nepotpune i neblagovremene prijave neće biti razmatrane. Izuzetno, prijave za vanredne, važne projekte će se primati i razmatrati i nakon predviđenog roka Javnog poziva, a u granicama raspoloživih sredstava.

7. Vidljivost podržanog projekta

7.1. Projekat/program za čiju realizaciju su doznačena sredstva Ministarstva kulture i sporta KS potrebno je da sadrži informaciju da je Kanton Sarajevo finansijski podržao realizaciju predmetnog programa/projekta na odgovarajućem vidnom mjestu, u svim verzijama i kopijama, kao i logotip Kantona Sarajevo (koji se može preuzeti na internet stranici MKS KS – www.mks.ks.gov.ba).

7.2. Vlada Kantona Sarajevo po osnovu dodijeljenih finansijskih sredstava ima pravo da koristi informacije u vezi sa realizacijom projekta/programa u svrhu promocije Kantona Sarajevo.

8. Ostalo

8.1. Primaoci finansijske podrške koji nisu dostavili narativni i finansijski izvještaj o utrošku sredstava za realizaciju odobrenih projekata u prethodnim godinama, ili isti nije bio prihvaćen od strane Ministarstva, ne mogu biti prihvaćeni za sufinansiranje projekata u 2026. godini.

8.2. U slučajevima sumnje ili nejasnoća na sva pitanja koja nisu uređena ovim javnim pozivom odgovarajuće se primjenjuju odredbe Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21, 13/22, 21/24 i 10/25).

MINISTAR

Kenan Magoda, s.r.